

নিজস্ব বুদ্ধির প্রতি



আনন্দ পাবলিশার্স প্রাইভেট লিমিটেড
ক লি কা ড়া ৯

প্রকাশক : শ্রীফণিভূষণ দেব
আনন্দ পাবলিশার্স প্রাইভেট লিমিটেড
৪৫ বেনিয়াটোলা লেন
কলিকাতা ৯

মুদ্রক : শ্রীদ্বিজেন্দ্রনাথ বসু
আনন্দ প্রেস এন্ড পাবলিকেশনস প্রাইভেট লিমিটেড
পি-২৪৮ সি. আই. টি. স্কীম নং ৬ এম
কলিকাতা ৫৪

প্রচ্ছদ : পূর্ণেন্দু পত্রী

প্রথম সংস্করণ : মার্চ ১৯৫৭

বাবা শ্রীযুক্ত নির্মলেন্দ্র দাশগুপ্ত
মা শ্রীযুক্তা নীলিমা দাশগুপ্তা
শ্রীচরণেশ্বর

সূচীপত্র

জেগে উঠছি	৯
তোমরা লক্ষ্য করো	১০
ঘুম ভাঙার পর	১১
স্বপ্ন	১২
অনন্ত মহত	১৩
একটু পরে	১৪
কারা আমায়	১৫
আমার সৌন্দর্য আজ	১৬
বেঁচে থাকতে চাই	১৭
খরগোশ ও দ্রোণা	১৮
দিনলিপি	১৯
বগেরি	২০
কোনো সমুদ্রের স্মৃতি	২১
এ জীবন	২২
আমি আছি	২৩
জীবনের দিকে	২৪
নতুন খেলার জন্য	২৫
কাফকার কলকাতা	২৬
জন্মেছিলাম	২৭
মাইক্রোস্কোপ	২৮
জন্মান্তর	২৯
ক্যানারী হিল্‌স থেকে	৩০
জলছাত	৩১
নিজস্ব ঘড়ির প্রতি	৩২
রবিবার	৩৩
এসো	৩৪
কোনো তরুণীর জন্যে প্রার্থনা	৩৫
প্রেরণা	৩৬

সূচীপত্র

পরিচিতার সৌজন্যে	৩৭
গ্রীষ্মাবকাশ	৩৮
মেলা দেখাও	৩৯
আবিষ্কার	৪০
সৈকত-আবাস : দীঘা	৪১
কারিগ্নানো ডাক-বাংলো থেকে	৪২
আকাশ	৪৩
ভাষান্তর	৪৪
এই শব্দ ছেড়ে দাও	৪৫
সদর অন্দর	৪৬
প্রশ্ন	৪৭
চৌকাঠ থেকে	৪৮
নিয়ম অনিয়মের কবিতা	৪৯
মনে আছে, রবীন্দ্রনাথ?	৫০
জীবন বিষয়ক	৫১
শব্দপতন	৫২
অন্য কবিতার প্রতীক্ষা	৫৩
এখন, এখানে	৫৪
একটি কবিতা	৫৫
শিকার	৫৬
স্বীকারোক্তি	৫৭
বাজি	৫৮
সমাগত	৫৯
এ খেলা সহজ নয়	৬০
আছে, টান দাও	৬১
আবহমান	৬২
মর্দতির অভাব	৬৩

জেগে উঠছি

এখন কোথায় জেগে উঠবো একা?
হয়তো একা নই, আরো মানুস জেগে উঠছে, তাদের
গলার শব্দ একটু পরে শোনা যাবে।

আপাতত আলো-আঁধার ছিঁড়ে
একটা কিছ্ গ'ড়ে উঠছে। বাড়ি, বাগান, বসতবাড়ি, খামার,
সবই আবার উপড় হ'য়ে ভেঙে পড়তে গিয়ে
হাঁটু-সটান দাঁড়িয়ে গেছে। আমি, আমার সমস্ত পৃথিবী
এখন ভোর পাঁচটা পঁচিশে
একসঙ্গে জেগে উঠছি,
(একটু পরে স্নান ক'রতে যাবো।)

আমায় কারা ওষুধ দিয়ে ঘুম পাড়িয়েছিলো?
এখন আমি হিসেব চাইবো। কোনো নিয়ম এক নিয়ম নয়।
আরো যারা জেগে উঠছে, তাদের সঙ্গে আমার কথা আছে॥

তোমরা লক্ষ্য করো

আমার উৎসর্জন তোমরা লক্ষ্য করো।

ডিম-ভাঙা পাখির মতো আমি জেগে উঠছি।

এখন নদীতে নৌকো এসে ভিড়লো,

জলপ্রপাতের মতো বেরিয়ে আসছে কিশোরকিশোরী,
দূর-বলয়ের চাঁদে আস্তে আস্তে উড়ে যাচ্ছে ওরিয়ল;
দোকান-পাট খোলা হচ্ছে; ছাতা-হাতে এগিয়ে আসছে মাণ্টারমশাই;
আমিই সব তদারক করছি; আমার ঘুম এখন ভেঙে গেছে;

আমি আজ স্বাধীন, নিশ্চিন্ত।

ডালপালার মতো, শিকড়ের মতো পৃথিবীর সর্বাঙ্গে ছড়িয়ে যাবো এখন;

আমার উৎসর্জন তোমরা লক্ষ্য করো—লক্ষ্য করো॥

ঘুম ভাঙার পর

এক সময় ঘুম ভেঙে যায়—

ভারি হাওয়া, চারপাশে অনন্ত স্তব্ধতা, চারপাশে
অন্য মানুসজন ঘুমিয়ে রয়েছে : কাছের আকাশে
তারা নেই, দূর-চন্দ্রখানে যারা অনন্ত নাচায়
তাদের হাতের কাছে কারা আছে? যন্ত্র? স্বপ্নের বঁড়ি?

এখন, এখানে

আমার নিজের পাশে আমি ছাড়া আর কেউ নেই।

সবাই ঘুমিয়ে আছে, আমিই বিনিদ্র, তবে আমি কি প্রহরী?
পিতামহ, তোমার ঘড়িটি কেন উইল-বাবদ আজো দাওনি আমাকে!
এখন জামিরে কিছু শিশির পড়েছে—দূরে, একফাঁকে
ক্লান্ত জাহাজ-বাঁশি শোনা যায়। ভাবি : মরি মরি!
এই যদি সুন্দর ভুবন, তবে কেন সবাই ঘুমিয়ে, আমি একা
কাগজ কলম হাতে চাঁদ-তারা-মানুষ-নিসর্গ সব
বুঝতে বসেছি॥

স্বপ্ন

ঘন্মিয়ে ঘন্মিয়ে আমি স্বপ্ন দেখি
ক্রমশ হাত-বদল হচ্ছে পৃথিবীর—
চাঁদ এসে বন্দী হচ্ছে আমার বাগানে,
ডেংয়ো-পিপড়ে চলে যাচ্ছে গাছের বাকল থেকে।

ঘন্মিয়ে ঘন্মিয়ে আমি স্বপ্ন দেখি
তরুণ কবি আমায় বলছে দুম্কার দিকে চলে যেতে
যেখানে চন্দ্রাহত মোষ লাফ দেয় জলার ওপর,
গাঝ-রাতে বাসা-বদল করে দুটো ঝিঝি পোকা।

ঘন্মিয়ে ঘন্মিয়ে আমি স্বপ্ন দেখি
ঘন্ম ভেঙে গেছে আমার, আমি এখন সদা জাগ্রত ॥

অনন্ত মন্থন

যা বলতে চাও

ঠিক সেদিকে স্পষ্ট করে তাকাও :

কিছুই নয়, বিশেষ কিছু নয়

দরজা খোলা পড়ে ছিলো; ফাঁকা-রাস্তা;

কোথাও কেউ নেই—

বাঁ-দিক থেকে একটা লোক এলো।

কী বলতে চাও? পৃথিবী যে পলকে পলকে

পাল্টে যায়, সে তো সবাই বলে গেছে,

তবু যখন খোলা-রাস্তা একটিমাত্র লোকের তালে মাতাল

তখন তুমি কথা বলতে চাও—যেন তুমি মন্থন খুলে

আলো দিচ্ছে লন্ঠনের মতো—

অমন করে জ্বলতে চাও কেন?

একটু পরে

শান্তভাবে, ওরা এখন একে ও অন্যকে
পাগল করে দিতে পারে।

যদি দঃখে-শোক

মানুষজন্ম পূরনো এক জামার মতো খুলে রাখতে চায়
তবে বরং উবে যাওয়া ভালো ছিলো। তার বদলে
বেঁচে থাকার যোগাড়যন্ত্র করে

ওরা এখন কোথায় এসে থেমে আছে!

এদিকে এক প্রচন্ড বর্ষণ

দেয়াললিপি ধুয়ে দিয়ে, উড়ে যাচ্ছে অনন্ত নির্জনে—

ওরা কথা বলছে। কুশল-প্রশ্ন বিনিময়ও হ'লো।

ভালো আছে।

একটু পরে ওরা সবাই পাগল হ'য়ে যাবে॥

কারা আমায়

কারা আমায় নাড়া দিচ্ছে এখন?
বন্ধু? নাকি বন্ধু নয়? পুরোটা দেশ?
আমি কিছই বন্ধুতে পারছি না।

মাঝেমাঝেই পালিয়ে থাকি আমি।
উঠোনময় পালং ক্ষেত; বৃষ্টি পড়ে;
প্রকৃতি কি হাত-আয়নার মতো?
আমার মূঠি কেপে ওঠে।

তবু আবার বেরিয়ে আসতে হয়।
দেয়াল জুড়ে আঘাত শব্দ আঘাত।
কারা আমায় নিয়ে আসছে পথের মাঝখানে—
আমি কিছই বন্ধুতে পারছি না।

মানুষ কথা বলে চলছে উদয়ান্ত,
ভাবনাহীন মেঘের মতো প্রেমিকারা—
এর মধ্যে আমার জায়গা কোথায়?
শিকড় চাই, অবিচ্ছিন্ন শিকড়॥

আমার সৌন্দর্য আজ

আমার সৌন্দর্য আজ ভেঙে পড়ে।

চারপাশে কলমীলতার

নীল, অনির্বাচনীয় আঁকিবুঁকি—

তারই একফাঁকে নামে স্নতো-বাঁধা চাঁদ, আলো দেয়,

সন্নেসীর মতো বসে ধ্যানমগ্ন, নিস্তত্ব মহিষ—

কে পারে এমন ছবি আজ মূছে দিতে?

আমার সৌন্দর্য আজ ভেঙে যায়।

শিশু ছুটে আসে, তার দুই হাতে বিন্যস্ত লাটাই;

বিবাগী সাইকেল চলে ঢালু বেয়ে; লাল, পোড়ো জমি;

সব যেন লুট করে নিয়ে গেছে

আমার মুখের রেখা, আমার পায়ের প্রতি ঠাম,

সব যেন সর্বস্ব আমার

বারবার ছিন্ন করে গেছে!

আমার সৌন্দর্য আজ ভেঙে পড়ে—

পৃথিবী সুন্দর হয় একতিল বেশি ॥

বেঁচে থাকতে চাই

শুধু যাচুঁঞা করি—

কোনো ফলভোগ

এখনো খুঁজি না;

শুধু ঘুঙুরের মতো সমান-মাত্রার কোনো

বিরতির ফাঁকে ফাঁকে

বেজে উঠতে চাই;

দ্রাক্ষার ভেতরে শুধু কীটসের কবিতা হয়ে শুয়ে থাকতে চাই,

সম্মেসীর মতো চাই গৃহস্থ গাজনে তাল দিতে—

কৃষ্ণের বাঁশির মতো বেঁচে থাকতে চাই কোনো

স্মৃতির ভিতর॥

খরগোশ ও দ্রোণ্গা

মোজাইক-মেঝে-টানা .সংসারের কঠিন উঠানে
দু'পায়ে ভর দিয়ে উঠে পোষা খরগোশ খেলা করে,
হাওয়া এলে, তার উৎস খুঁজে দেখে, কখনো বা মানুষের
পায়ের পেছনে
তুলোর বলের মতো ছুটে যায় ঘরে।

একদিন দ্রোণ্গা উড়ে এসেছিলো।
দ্রোণ্গা মানে কালো কাক—মাথার চূড়োটি শুধু ঈষৎ টিকোলো,
খরগোশ দু'র থেকে দেখে নিলো
কোনো কাক তার মতো নয়, কোনো পাখিপাখালির আলোড়ন

তার নিঃশব্দ ভাষার মতো সূচিমুখ নয়, তবু একা
শত জটিলতা-ঘেরা গার্হস্থ্য ঘরের মাঝ থেকে
একবার মানুষের দিকে, আরেকবার নতুন কাকের দিকে চেয়ে,
মুখে ঘাস—দু'পায়ে কিছুটা উঠে—একপাক দৌড়ে চ'লে এলো॥

দিনলিপি

কোনো প্রতিদান নেই, তবু চঞ্চল বৃকের কাছে
পাতা ঝরে পড়ে।

এইভাবে যোগাযোগ করে কি প্রকৃতি?
আমি দিক্‌চিহ্নহীন ঘরে বসে থাকি আয়নার মতো—
আর সব আলোছায়া ঘুরে যায় ধুলোর ওপরে।

আমি সাড়া দেবো ভাবি। কাকে দেবো? কোনদিকে দেবো?
নাকি শূন্য শত্ৰুহীন, প্রতিদানহীন ভালোবাসা
কাচের ওপর থেকে স'রে আসে চোখের ভেতরে!

কোনো শব্দ নেই, কোনো সাড়া, ক্ষমা বা করুণা—

চঞ্চল বৃকের কাছে
ঘুরে ঘুরে

পাতা ঝরে পড়ে॥

বগেরি

“বগেরি, বগেরি”—বলে ঝাঁপ দিই নিস্তত্ধ মাঠের মাঝখানে;
কোথায় বগেরি? শব্দ মাঝরাতে সজনে পাতায় ঝড়ঝড়
চাঁদ ঝরে পড়ে—আর শেয়ালের তীক্ষ্ণ সাইরেন
প্রহরে প্রহরে বেজে যায়।

যে যতোটা ব্যগ্র, আর মৃত্যুর কপের মন্থোমুখি
তারই দিকে বন্দকের নল থাকে ঈষৎ বাড়ানো,
পশু, পাখি, পতংগ, মানুষ বলে আলাদা আলাদা কিছুর নেই
শব্দ উপস্থিতি আছে, আর সার্চলাইটের মতো ঘূর্ণমান
প্রকৃতির নিজস্ব মন্থুর,
তাই তীব্র শব্দ হয়, আর মাঝরাতে স্মৃতির সন্ধানরত
মানুষের বৃকের পাঁজর ছিঁড়ে যায়—

তবে আমি কি বগেরি?

কোনো সমুদ্রের স্মৃতি

সবই ভেঙে যাবে বলে মনে হয়।

একদিন, নদয়ে-পড়া নোকোর গলদই থেকে চুয়ে
গান, ও লণ্ঠন সব ভেসে যেতো জলের ওপরে।

এখন ধ্বংসই দেখি প্রকৃতির মূঢ় ব্যবহারে—
মানুষেরই মূকুর প্রকৃতি।

যে-যুবক এসেছিলো দীর্ঘ বিরহবেলা কাটাতে এখানে
সে এখন দ্রুত উঠে, হোটেলের ঘরে ঢুকে যায়।
এমনকি চিঠিও লেখে না।

যেমন মানুষ, ঠিক প্রকৃতিও তেমনি খেয়ালী।
এই এক ভয়ানক রীতি॥

এ জীবন

যে আগুনের মধ্য দিয়ে যাচ্ছি, তাতে যেন আমার পুণ্য হয়;
মিথ্যের বেসাতি করছে যারা, তারাও যেন শান্তি পায়—আর কিছ্ নয়,
এদিকে উষ্ণ বৃষ্টি পড়ছে, নদীর পাড় ধসছে, গড়ে উঠছে অনন্ত ওপারি,
তপ্ত শলাকার মতো গ্রহপুঞ্জ বিধছে আমার একশোতলা বাড়ির জানালা,
একদিন নিচে নেমে দেখবো—বাগান ভরে উঠছে, সাইকেল চালিয়ে আসছে
কিশোরকিশোরী;
বৃষ্টি থেমে গেছে, কবিসম্মেলনের জন্যে তৈরী হচ্ছে সবাই।

যে আগুনের মধ্য দিয়ে যাচ্ছি, তাতে যেন আমার পুণ্য হয়॥

আমি আছি

আমি তো সঙেই আছি

তোমরা শব্দ দেখতে পারো না,
মাবেমাবে গতের ভেতরে যেতে হয়,
মন্দিরের আগে যে রকম গোপনরম—

অর্থাৎ আমার

সাময়িক নিবিষ্টতা প্রয়োজন

অর্থাৎ আমার

কিছদিন অন্তর্ধান চাই,

তবু তোমাদের চিঠি,

সংবাদ-কাগজ

আমি নিয়মিত পড়ি।

আমি তোমাদের

দূর থেকে ছুঁয়ে আছি।

একদিন পতংগের মতো ঠিক উড়ে যাবো

ঘরের ভেতরে ॥

জীবনের দিকে

পালিয়ে যাবার কোন পথ নেই
এতো ছোটো অনন্ত আকাশ
এতো ক্ষীণ ভোরের কুহেলি—
কোন দিকে যাবো?

তাহলে আবার বুক বেঁধে
মানুষজনের কাছে থেকে যাই—
দেখে নিই এখন কোথায়
বাড়ি ওঠে, কোথায় নাচার

লাল ঘুড়ি ফুলন্ত কিশোর ॥

নতুন খেলার জন্য

আরো কিছু তীর খেলা হবে, মনে হয়।

সব যেন স্তব্ধ হ'য়ে আছে।

বৃষ্টি এলে, নারকোল-ডালের বেহালায়

রোদ হ'লে, উঠানের ছড়ানো জাজিমে

পদ্মতুলেরা মানুষ মানুষ খেলা ক'রে

উঠে যাবে শখের শহরে।

ততোদিন আমি ব'সে দেখি

কিভাবে নতুন এসে ক্ষয় করে যা কিছু সার্বিক ॥

কাফ্কার কলকাতা

তোমরা খুব ভুল করছো, আমি জানি;
একটি কথাও আর তোমাদের আমি বলবো না।

ততোদিনে কলকাতা কাফ্কার গল্পে পাল্টে যাক—
মানুষ লুকিয়ে হোক পতংগমাকড়, আর নিষ্পাপ যুবক
ধীরে ধীরে চলে যাক মৃত্যুর ফাঁদের মাঝামাঝি।

ততোদিনে বৃষ্টি পড়ুক; খেলা হোক;
খড়তোতো বোনের স্বামী বিষ দিক সবার খাবারে;
অমুক মেয়ের হোক প্রহরীর মতো দুই প্রেমিকযুগল।

এইমাত্র! আর কিছু নয়—
একটি কথাও আর খুলে বলবো না।
তোমাদের মনে নেই কাফ্কার গল্প, আমি জানি॥

জন্মেছিলাম

জন্মেছিলাম; এখনো বেঁচে আছি;
এছাড়া সবই রৌদ্র, সবই তুষার—
মিছিল থেকে অন্ধকারে বেরিয়ে আসে পাগল,
বাগানে, নীল মাছি।
জন্মেছিলাম;
জন্ম হয়েছিলো;
এখনো বেঁচে আছি॥

মাইক্রোসকোপ

মাইক্রোসকোপের তলায়

লোকটাকে রাখা হয়েছে।

কিভাবে বাসে উঠছে, নামছে, দুলছে,
টোঁবেলে হাত কিভাবে রাখছে, কথাই বা বলছে কেমন?
বাঁ-পায়ে ধুলো জমেছে, স্যান্ডেল ছেঁড়া না আস্ত,
জোরে হাসছে না হাসছে না? দাঁত পান-খাওয়া লাল?
ইংরেজি বলছে কেমন, লিখতেই বা পারে কিরকম,
কি খেতে ভালোবাসে—মাংস না মিষ্টি, আম না মর্তমান,
ক'জন বন্ধু? কারা বন্ধু? শত্রু ক'জন? সবাই কি শত্রু?
কামুক না নিবীজ? মদ খায়? কেন খায়? কবে
বেশ্যাপাড়ায় গিয়েছিলো? সত্যি না বানানো? গুজব না সত্যি?
মোট আয় কতো টাকা? চীনে খাবারে লালচ্ কেন? মোগলাই খানা?
সি-পি-এম না নকশাল? সি-পি-আই না কংগ্রেস? বোকা, না চালাক?

সব কিছুই রাখা হচ্ছে

অনুবীক্ষণের তলায়

যাতে প্রতিটি তথ্য (ভুল বা ঠিক) জ্যোতিষ্কের মতো
বড়ো হ'য়ে ফুটে ওঠে।

জানতে চাওয়া হচ্ছে লোকটা আসলে কী?

কী তার ভূমিকা? কী তার অর্থ?

অথচ সেও বদ্বতে পারছে সব কিছু

একটা কুটোও এড়িয়ে যায় না তার চোখে—

মাঝরাতে সে যদি চেঁচিয়ে ওঠে : ঈ-শ্ব-র,

তাহলে কী তার মানে হবে? কীই বা তাৎপর্য?

এদিকে ছাদ ছাপিয়ে বৃষ্টি নামলো ॥

জন্মান্তর

আমি তোমাকে নিয়ে খেলা ক'রতে চাই না আর।

তুমি শুধু আমার সামনে এসে দাঁড়াও।

এখন পাতা ঝরছে, শীত এসে পড়ছে কাছাকাছি,

যে ট্রেন থেকে তুমি নামবে, সেই ট্রেন চলে যাচ্ছে প্রত্যেকদিন।

একটু একটু ক'রে স'রে যাচ্ছে বসতবার্টি, ক্ষেতখামার, আলো***

জানালার গরাদে আমার চেপে-ধরা সন্তপ্ত মুখ

তোমার চোখে পড়ছে না।

আমি তোমাকে নিয়ে যখন খেলা ক'রতাম

তখন তোমাকে ছানছে আরো অনেক প্রেমের কবিতার ভাড়াটে লেখক,

তুমি যেন সিনেমার পোস্টার, যেখানে কাক বিষ্ঠা রেখে যায় প্রতিদিন,

পুরো কলকাতা শহর তোমাকে হাঁ ক'রে গিলে ফেলতে চেয়েছিলো

যখন তুমি হঠাৎ চ'লে গেলে—

এখন আমার জন্মান্তর হয়েছে, তুমি লক্ষ্য করো,

স্তনের চুচুকে দাঁত বসানোর আগে আমি দেখবো

তোমার চোখ জলে ভ'রে উঠেছে কিনা,

তোমার সঙ্গ অলাপ করিয়ে দেবো আমার জননী,

যিনি বটগাছের মতো আমার উঠানে দাঁড়িয়ে,

পোষা খরগোশটিকে কোলে তুলে দেবো, চকোলেট-রঙের দোকান থেকে

কিনে আনবো দুটি কার্গেশন—

তুমি আমার সামনে এসে দাঁড়াও এখন।

তুমি শুধু আমার সামনে এসে দাঁড়াও ॥

ক্যানারী হিল্‌স থেকে

সব কিছুর সঙ্গে যুক্ত হতে চাই এখন,

কিন্তু আমার হাতের খঁজ কেঁপে যায়—

আমার আঘাত আমার কাছেই ফিরে আসে।

মেরুদণ্ড বেয়ে তিরতির করে উঠে আসে ধোঁয়া

সব কিছু কেমন এলোমেলো করে দেয়, অগোছালো,

যার মুখোমুখি হবো, সে কেবল পালিয়ে পালিয়ে বেড়ায়,

কাউকে ছুঁতে পারি না, সব কেমন হাত পিছলে পালিয়ে যায়,

চারপাঁচজন যারা কাছে আছে, টবের ফুলের মতো

তাদের শিকড়ে প্রতিদিন একটু একটু জল দিতে চাই,

কিন্তু কিছুই করা হয়ে ওঠে না, কিছুই না,

আলস্যের দীর্ঘ মশারি টাঙিয়েছি, তার ভেতরে কুকড়ে বসে থাকি,

বাইরে বেরোলে, ক্রমশ হারিয়ে যাই রাস্তার গোলকর্ধাধায়—

এক ফুটপাথ থেকে চলে যাই আরেক ফুটপাথে

বাড়ি ফিরে তাক থেকে নামাই পাম্বেরনাক কিংবা রিল্‌কে,

কিন্তু আমি বিধতে চাই কারো সঙ্গে, মিশতে চাই

লোমকূপের মতো চামড়ার প্রকোষ্ঠে,

পাতা ঝরলে, গাছের ডালের মতো শিউরে উঠতে চাই,

তরুণের মতো হতে চাই উত্থানপতনময়—

বাড়ির ছাদের মতো, হাত-পা ছড়িয়ে বসবার অবকাশ,

যাকে খুঁজছি, সে কি তুমি? নাকি মুখোশ-খোলা আমার মুখশ্রী?

যা আছে, যেখানে আছে, ঘৃণা-ভালোবাসা-ভয়-আনন্দ-বেদনা

সব কিছুই যুক্ত হতে চাই এখন—একসঙ্গে—একাকার—

কিন্তু আমার হাতের খঁজ আমার হাতেই থেকে যায়—

ক্যানারী হিল্‌স থেকে

নির্বোধ পশু হেঁটে যায়

হাজারীবাগের অন্ধকারে ॥

জলছাত

এভাবে কখনো হয় না। জলছাত
ঈশ্বরবিহীন প'ড়ে আছে।
আমার যা হাতে, তা কি নিঃশব্দ করাত—
প'রোটা ল'টিয়ে প'ড়লে দেখা যায়
ঘর ভেঙে গেছে?

এভাবে কখনো হয় না—
কিশোরসঙ্ঘের ছেলে, বল নিয়ে
ঘাসের ওপরে নড়ে চড়ে,
সচিত্র খবর ব'লে ফিরি হয় ঘ'ণা ভালোবাসা
রং শ'ধু ঠোঙার ওপরে।
তুমি কথা দাও, তুমি এইভাবে কাজ বাড়াবে না,
বিকেলে ঘ'মের পরে খ'লে দেবে
জ্যেৎস্নার প্রপাত—

শ'ধু ঈশ্বরের স্মৃতি অবল'প্ত ছাতের ওপরে!

নিজস্ব ঘড়ির প্রতি

বন্ধকে হেঁটে কার্নিশ হয়েছে পার—

এখন আকাশে

কীভাবে উঠবে, তুমি তেমন জানো না।

আমার আঙুলে যদি জাদু থাকে

আমার আঙুলে

যদি স্নাতো চালবার মতো কুশলতা থাকে

তাহলে তোমাকে আমি এক পলকের মধ্যে আড়ালে পাঠাবো—

তুমি জেট্-অপ্সরীর মতো উড়ে যাবে সঠিক প্রবাসে..

আমি কর্ণজভর কোনো লাটাই টাঙিয়ে

তোমার উত্থান-টানে গা ভাসিয়ে দেবো।

বন্ধকে হেঁটে এখন নিয়েছো হ'তে

জমি পার, আমি খুব কাছে

জেগে আছি।

এক-পা এক-পা ক'রে

তুমি যতো বেড়েছো, আমিও

মুঠোর নিশ্চিত পেশী ততোবার শক্ত রেখেছি,

এখন কী বলবো, বলো,

শুদ্ধ বলি, ছিঁড়ো না চাতুরী—

যদি বেঁচে থাকতে চাও,

স্নাতোশুদ্ধ গোঙাও রভসে॥

রবিবার

লাল ঘন্ড়ি বন্ধের ওপরে ঠেকে যায়।

তুমি কোনদিক থেকে স্নতো পাঠিয়েছো?

তোমার রঙীন ঘন্ড়ি, হে কিশোর,

আমি আজ ফেরত দেবো না—

ছাতে গিয়ে, ওড়াবো আকাশে॥

এসো

এইভাবে হবে, এইভাবে—

একদিন শশবত ইন্দুর এসে সমস্ত জ্যোৎস্না করে খাবে।

ততোদিন, এসো, বেঁচে থাকি,

ততোদিন কিছুটা খোরাকি

তুলে নিই সাধের রেকাবে,

দু'একটা ঠান্ডা শসাকুচি.....

এইভাবে ॥

কোনো তরুণীর জন্যে প্রার্থনা

এক জায়গায় এসে

আমরা সবাই কিন্তু দেখে ফেলতে পারি।

পূর-লেন্স-চশমা-চোখে মেয়েটি এখন গেলো গাছের আড়ালে,

তার মূঠোর ওপর থেকে লাল পিঁপড়ে তাড়িয়ে দেবার ছলে

ব্যাশ-শার্ট-পরা লোকটি কিছুটা ঝুঁকলো; এইদিকে

শিক্ষার্থী গাড়ির পাল পা রাখতে না পেরে শুধু হর্গ দিচ্ছে—

শীত শেষ হ'য়ে এলো; এখন ক্যানাডা থেকে

উড়ে-আসা-পাখি ঘরে যাবে,

শিশুকে খাওয়াতে হবে জননীর, জননীকে

শিশু খেতে দেবে।

এই জায়গা থেকে, দ্যাখো, আমরা সবাই কিন্তু

এই জায়গা থেকে আরো

দু'তিনটে অন্য দিক দেখে নিতে পারি,

আনন্দ বেদনা ঝরে, আনন্দ বেদনা অভিরাম***

পূর-লেন্স-চশমা-পরা মেয়েটিকে কেউ আজ দুঃখ দিয়ে না॥

প্রেরণা

প্রথম ধাক্কা কিন্তু বাইরে থেকে আসে;

ট্রামের হাতল ছুঁয়ে অভিন্ন কনুই বোঁকে যায়।

যা কিছু বলতে চাও, তার ভেতরের দিকে নামে নীরবতা,

কিন্তু যা কখনোই শব্দ হতে পারে না, সেখানে

কিছুই কি ঘটে?

বাহির-ভুবন শব্দ চাপা-দীর্ঘশ্বাস মনে হয়।

একটা জানালা তুমি খোলা রাখো, কিছু মানুষের শব্দ

যেন কাছে আসে ॥

পরিচিতার সৌজন্যে

এই তীর্থদিন থেকে যতো নিই, ততো থেকে যায়।

ছোটো সিমলা ঘুরে যায় : শাদা রাস্তা রঙীন বাড়িতে
পোষা কুকুরের মতো গৃহিণীর উঠোন নাচায়।

ঠিক বাম্ধবী নয়; পরিচিতা; এক যুগ পরে দেখা এই।-
দীর্ঘদেহ স্বামী, আর ফুলের মতন শিশু সাজানো বাগানে;

তারই জন্যে এত সব? হ'তে পারে। সমস্ত সময়
এক বাঙালিনী তার উজ্জ্বল হাসিতে ঐ সমস্ত পাহাড়

নতুন গানের মতো বেঁধে নিতে পেরেছে বলে কি
শুদ্ধ দিন তীর্থ হয়, দ্যুতিখণ্ড উজ্জ্বল আবেগ

সোজা প্রস্পেক্টে গিয়ে সূর্যের ভেতরে করসায়?

আমি যতোটুকু পারি, তার বেশি তখনো পারিনি, তবু যেই

দমকা হাওয়ার টানে সমস্ত আড়াল একাকার,

পোড়-খাওয়া কলকাতা বৃকের ভেতরে নিবে যায় ॥

গ্রীষ্মাবকাশ

আরো কাছে। মেঘবলয়ের খেলা সেরকম নেই তবু কিছুটা আভাসে
মানুষ যেখানে বসে ফোটো তোলে, জানলার জার্মার থেকে এভারেস্ট, আলো
ও আলোয়া,
তারই কাছে? নুটু আছে সেলাই-ফোঁড়াই নিয়ে, কলকাতা গিয়ে তার
বাবাকে সোয়েটার দেবে, নিজের বানানো,
অর্থাৎ, উড়ুক্রুভাবে উঠি-উঠি করে যেন থেকে যায় কয়েকটি মানুষ, যুবজন,
এমনকি বিয়ে করে—হনিমুনে জেনে নেয় পাহাড়তলীর আলোছায়া,
আরো কাছে : দুপরেই শয়ে ওরা প্রেম করে—ফটিক বলেছে
(আজ ফটিক কোথায়?)

আরো কাছে : বিহ্বল, বেদনাময় মানুষের অনন্ত নয়ন—

যেন ভাষা জানা নেই, ভঙ্গী রয়েছে, তাই

স্মৃতিভিত্ত সকাল ॥

মেলা দেখাও

কোন জায়গায়, কোন কোন জায়গায়
তুমি আছো? তুমি, মানে মানুষ;
রেডিওতে কারা গাইছে দেহলীর সাধন—
বাউল, তুমি বাইরে এসে বাবু সাজো!

সাধন-ভজন ভালো, কিন্তু ডেরা কোথায়,
বাড়ি আসতে দেরি হ'লো, পথে দেরি?
কোন জায়গায়, কোন কোন জায়গায়
তুমি আছো? ঘৃণা-ভালোবাসায় তৈরি? ভারি গড়ন?
কলকাতা বা কেদার্লি, আমার মেলা দেখাও, মেলা দেখাও

আমি টিকিট কিনে মানুষ দেখবো॥

আবিষ্কার

সুখদুঃখ এক জাঙাল প'ড়ে ছিলো—

আবিষ্কার শুধু এইটুকু।

নইলে, ফলতার বাংলা উপলক্ষ ছাড়া কিছুর নয়,

উপলক্ষ একরাশ নেশাখোর ককর্শ ছাতার

তালরস নিয়ে শুধু কাঠঠোকরার সঙ্গে মৃদু প্রতিযোগী,
এমনকি ভূতে-পাওয়া রাত বারোটোর কালো জল

গঢ় তর্জনীর মতো ছিপ্নোকো জেগে ওঠে চেউয়ের আঘাতে.....

তাও শুধু সুত্রপাত, আবিষ্কার এভাবে ঘটে না,
আমি ও আমার সঙ্গী, বান্ধবী, পত্নী বা স্বজন,

দুশো বছরের দুর্গে পা দিতেই, কখন জেগেছে

ভেজা লতা-গুল্ম-ডাল সুখদুঃখ অনন্ত আড়াল

সবই যা ভেতরে ছিলো, চাবেরিয়া ভূখন্ড প্রাকার

শুধু উস্কে দেয় হাওয়া,

তারপরে আমরা একাকী—

আবিষ্কার শুধু এইটুকু ॥

সৈকত-আবাস : দীঘা

কেন হয় না? ঘুম, জাগরণ তব্দ শেষ নয়—

এরই কোনো ফাঁকে

কুয়াশা-আড়াল-করা নিঃশব্দ সকাল; বিছানা ছাড়িয়ে

আধো-চেনা মহিলাটি দিক বদলাতে যান স্বামীর সকাশে;

কেন হয় না? তবে কি প্রস্তুত নই স্বভাবত? পারি না এখনো

সী-ভিউ হোটেল থেকে নেমে গিয়ে সমুদ্র-বেলায় হেঁটে যেতে?

ঘুম জাগরণ ঘোরে নিয়মিত। তব্দ তো ভেতরে

খুঁড়ে খুঁড়ে চলে এক মেধাবী পোকার আঁকিবুঁকি!

পথ ছিঁড়ে উঠে আসে হাওয়া; আমাদের

সময় হয়েছে, শোনো, সময় হয়েছে,

শোনো, সমস্ত সময়

কেন হয় না আপামরে ভালোবাসা? কেন এর পরে

পারি না মিলিয়ে যেতে ঠাস-বুননের মতো সঠিক জীবনে?

ঘুম, জেগে-ওঠা, ঘুম : অবিরল ঢেউ এসে পড়ে ॥

কারিগ্নানো ডাক-বাংলো থেকে

টানা-বারান্দার মতো ঝাউবন—

রবারের চাঁদ নেমে আসে;

এখানে আমার কোনো সঙ্গী নেই; আছে টেলিফোন;

বুনো কুকুরের দল উঠে আসে ঘরের ফরাসে ॥

আকাশ

রাঙা গাছ আশ্বিনে বিশাল, এলোমেলো,
আকাশ, এসেছো তুমি, তুমি গাছ, তুমিই ওষধি,
দাঁড়াও হে, কিছ, কথা আছে, কিছ, অপলকভাবে
দেখবার কাজ র'য়ে গেছে;

রাঙা গাছ আশ্বিনে বিশাল, এলোমেলো—
এসেছো, প্রণাম করি, তুমি অন্ধ, অনন্ত আকাশ—
তুমি হে ওষধি॥

ভাষান্তর

এই বাঙলাভাষা দিয়ে শব্দ হয়
তারপরে হিসেব থাকে না;

হাওয়া দিলে, বুনো পিয়ানোর মতো সমস্ত আকাশ
একই সঙ্গে ঝর্ণা ও পাথর খেলা করে;

এদিকে সাজানো ছিলো তৎসম, দেশী ও বিদেশী,
কিছু ঝক্‌ঝকে-হওয়া শব্দের মোড়ক, কিছু মলিন মামুলি—

তারপর হাট-করা জ্বলন্ত শব্দ্য একাকার—
শব্দ মূখ নড়ে ওঠে।

কোন ভাষা, খেয়াল থাকে না ॥

এই শব্দ ছেড়ে দাও

এই শব্দ লাল নীল হলুদ সবুজ, কিংবা কিছুটা বেগুনী
উপমা উৎপ্রেক্ষা কিংবা কুশল সম্ভাষ, নারিক শখের বকুনি,

“ভালো আছে”? “আছি”। “নেই”। “একরকম”। “চলছে এখনো”।
এই শব্দ ভুল, ভাঙা, সবিনাশ, পদরনো, সার্বিক,

কে দেবে তাহলে ছেড়ে? মৃষ্টির নতুন স্বর? আহা, কলকাতা
আঁপিস-ফেরত বাসে গ্রীক লাঁতনের মতো দুর্বোধ স্বদেশী,

এই শব্দ একাকার, ক্যানালে ক্যানালে ভুল, মাছ ম'রে আছে—
ছায়া, ছায়া নয়; বাসি, সাতবাসি; ধোঁয়া বা কুয়াশা—

ছেড়ে দাও ॥

সদর অন্দর

কোথাও, ভেতরে লেগে, শব্দ হয়।
খরগোশ-কানের পাশে এপাশ ওপাশ উসখুস—
কার হুইসেল বাজে এইভাবে? সমস্ত সময়
কে এমন জাগ্রত পদরুশ?

ওরা দৌড়ে এসেছিলো : হলদ পোশাক, নীল কবচ-কুন্ডল,
শাদা গাড়ি;

এলোমেলো শব্দ করে দ্রুত চলে গেলো।
তখন দিই নি সাড়া—কেন দেবো? আমি সাবধানী—
ততোদিন বানিয়েছি বাড়ি।

এখন সবাই যেই চ'লে গেছে, ঘর রুদ্ধ; আকাশ মেঘেলা;
ভেতরে ভেতরে যেন খ'সে পড়ে দ্রুত ডালপালা।
শুদ্ধ শব্দ করে খায়; উঠে আসে বীজের ঘরুনি

ভেতরে ভেতরে ॥

প্রশ্ন

এখনো তেমনভাবে বেজে উঠতে পারোনি বলে কি

উড়ে চল ঘা দিয়ে জাগায় ঐ নিঃশব্দ ঈথর,

ঐ কঠিন নীলিমা?

দ্যাখো, শত টুকরো হ'য়ে ছড়িয়ে রয়েছে

তুমি যা আরম্ভ ক'রে শেষাবধি দিয়েছো ফিরিয়ে—

রাঙা অ্যাপ্রন-পরা জননী পি'পড়ের সার, মুখে ভাঙা-চিনি,

বাসের দোতলা থেকে শিমুল, না আচ্ছন্ন নিমের

হঠাৎ সবল-স্পর্শ,

বৃক্ষে মৃখ-গোঁজা কোনো ঘুমেল তরুণী, দূরে ফোয়ারা রেডিয়ো,

সবই ক'টচাল হ'য়ে মাঝপথে খেলার অভাবে

যেন থেমে আছে—তুমি দাও না দুলিয়ে!

তুমি মোড়কসমেত সব তুলে নাও; আর ঠিকানা কেটো না।

এখনো তেমনভাবে জেগে উঠতে পারোনি বলে কি

শুধু নড়া-চড়া, শুধু ঘর্দি থেকে

ঘরনো হাতের ব্যবধান

এই তোমার জীবন? তুমি আছো কি ঘুমিয়ে?

চৌকাঠ থেকে

তুমি কতোটুকু পারো? ঐদিকে সমস্ত আড়াল প'ড়ে আছে।
একটি কাকের শব্দে পুরো পৃথিবীর শান্তি ভেঙে যেতে পারে;
পাঁচ-দশটা লোক এসে দশরকমের কথা বলে—
তুমি কি তাদের প্রতি মনোযোগী? তুমি কি এখনো
কিছুটা নতুনভাবে বেঁচে থাকবার কথা ভাবো?

মৃদু কলতলা জুড়ে জল-পতনের খেলা চলে;
তুমিও কুঠুরি ছেড়ে যেতে চাও আরেক রকম অবসরে—
শুধু হাত কেঁপে যায়, দুই পায়ে জড়তা ঘোচে না,
চৌকাঠে দাঁড়িয়ে থেকে কতোটুকু পারো, ভেবে দ্যাখো!

নিয়ম অনিয়মের কবিতা

কিছু বা নিয়ম আমি মানতে পারি না,
কিছু বা নিয়ম
দেয়ালে টাঙিয়ে রাখি প্রপিতামহের কথা ভেবে,
এইভাবে, সমস্ত নিয়ম আমি অবহেলা করি।
ভেবেছি, জীবন এসে

সব কিছু ধুয়ে মছে দেবে,
যেটুকু নিয়ম আমি মানতে পারিনি, যতো অনিয়ম
আমি এতাবৎ করেছি—সকলই
ঢেউ-এর প্রবল হর্ষে ভেঙে যাবে,
ভেঙে গিয়ে, হারিয়ে যাবে না—
আবার নতুনভাবে ভিড়বে জীবনে।

আজ কিন্তু বড়ো ভয় হয়।
যদি না তেমন যোগ
জীবনে জীবনে আর না ঘটে কখনো,
নিয়মনিয়ম সব মাছের শবের মতো প'ড়ে থাকে তীরে,
যদি না জলের ক্ষমা না মেলে এখানে—
যা ছিলো নিয়ম আগে, তাই যদি নির্দিষ্ট নিয়ম!

মনে আছে, রবীন্দ্রনাথ?

সেই রেলিংগুলোর কথা মনে আছে, রবীন্দ্রনাথ—
খেলাচ্ছিলে আপনি যাদের প্রহার করতেন?
পাশে দাঁড়িয়ে থাকতো সিংগমামা কাটুঁম
আপনার ক্লাস পড়ানোর ঘণ্টা আর ফুরোতো না***

এখন যদি বাংলাদেশে থাকতে পারতেন
তাহ'লে দেখতেন, রেলিংগুলো বড়ো হ'য়ে ঘরবাড়ি ছাড়িয়ে গেছে,
সিংগমামার কবিতার খাতা হাতে বেরিয়ে পড়েছে রাস্তায়—
আপনার হাতের বেত ঘরের একপাশে প'ড়ে আছে!

—ক্লাসের ঘণ্টা আর বাজে না॥

জীবন বিষয়ক

যাই বলো, তাতেই কি রাজি? রাজি নই।

আমাদের যেতে হয় আরো দীর্ঘ পাড়ির বিবেকে,
মানুষজন্ম নিয়ে আর কোনো ছেলেখেলা নয়, একে ওকে
ঘৃণা ভালোবাসা, কিংবা স্নেহ, আলিঙ্গন দিয়ে বন্ধে নেয়া ভালো।

মৃত্যুতা অনেক হলো (আপেক্ষিক শব্দ?); বেলা যায়—

উজান টানের মতো স'রে যাই, চঞ্চল মাছের
সূঁচিকর্মে গড়ে-ওঠা জলের নকশার কাছে ঘাই দিয়ে উঠি;
এই তো জীবন—এই থেমে-থাকতে-না-পারা ভুবনে
অনিন্দ্য আড়াল তবু ভ'রে ওঠে শস্যে ও শিমুলে, অবেলায়।

এখনো সবার পায়ে বসতে পারি না, কারো কাছে

নতজানু হ'তে পারি—হ'য়ে যাই—মানুষজনের অবিবর্তন
দায়-দায়িত্বের কথা তুমি আমি সবাই তো ব'ঝি। তবে কেন

আমি কোন দিকে আছি, এই নিয়ে কানাঘুসো রটে?

শব্দপতন

শব্দ এক জায়গায় গিয়ে ভেঙে যায়—

হঠাৎ ফোকর পেয়ে লাল পিঁপড়ের দল কাছে চলে আসে,
আমাকে কি মৃত ভাবে? আমি তবে শব্দের বাহন, কাপুরুষ,
—আমার নিজের কোনো বারিড় নেই অনন্ত প্রবাসে?

আমি থমকিয়ে থাকি; কোনো কথা আসে না সহজে;

হাত-পা-হৃদয় তবে তোলা আছে শমীর শিখরে—

কে ভেঙে পড়ছে তবে? শব্দ, না সম্পর্ক? জীবন?

শাদা অ্যাম্বুলেন্স চ'ড়ে আমি ফিরি লাসকাটা ঘরে॥

অন্য কবিতার প্রতীক

ধ'রে ধ'রে কবিতা লেখার হাত
ভেঙে যায়, থাকে শূন্য গাভীর মতন নীরবতা।
দাঁত-করাতেরা সব বনের ভেতর থেকে শিস্ দিয়ে ওঠে—
কবিতা কি তার মতো? মৃদু ও অমোঘ? অব্যাহত

বৃকের ভেতর থেকে বৃকের বাইরে আলো ধরে?
ঝরা-পাতা ঠেলে তার ভাঙা সাইকেল নিয়ে এসেছে যুবক,
সে কি সিগন্যাল করে কবিতায়? করে কি জোনাকি?
ধ'রে ধ'রে কবিতা লেখার হাত থেমে যায়,
থেমে যায় ফাঁকি॥

এখন, এখানে

একটা জায়গায় তুমি শব্দ করো—

ছোটো হোক, ভেঙে-যাওয়া হোক, খানিকটা ডাঙা, আটচালা,
দু'চার দশজন লোক, যারা তোমার বাংলাভাষা তোমার মতন ক'রে জানে,
একটা তো প্রতিধ্বনি প্রয়োজন, নাকি সবই কোলাহল—

র-ফলা, য-ফলা?

এখন নিশ্চিতভাবে শব্দ করো। শব্দ করো, তাহ'লে,

এখানে॥

একটি কবিতা

কে বলে, হবে না?

এই তো এসেছে রোদ চবুতরা ছাড়িয়ে ভেতরে,
এই তো চলেছে
বাঁ-পাশে সাইকেলটাকে হাতে নিয়ে উজ্জ্বল যুবক,
নতুন সাইনবোর্ডে ভরে আছে পহেলা নগরী,
বেবি-অস্টিনটিকে প্রিয় গাভীনের মতো
বেঁধেছি গ্যারাজে—

কে বলে, হবে না?

কে বলে, হবে না?

ফাটা ডালিমের মতো ছড়িয়ে পড়েছে সব
কিশোরকিশোরী।
লাল পাংলন দোলে রাঙা নিশেনের মতো পথের ওপরে,
বাঁ-পায়ে দিয়েছে ঠেলে দ্রুত-বল
সবল বালক,

ডান পায়ে পড়েছে লুটিয়ে ॥

শিকার

লেগে থেকে থেকে দেখি

হুইল বা হাতে আর সূতো ঠিক মাপছে না। দাঁতে-
এবার কি শক্ত ক'রে ধ'রে নেবো আমার আঙ্গিক, ভালোবাসা?.

লেগে থেকে থেকে দেখি

‘সময় হয়েছে’ বলে হাওয়া উশখুশ ক'রে

আমারে তাতায়,

উড়ে ফাৎনায়, শর্নি, কে'পে ওঠে রঙীন মেশিন।

ওপারে কে জেগে ওঠো? মাছ ব'ঝি!—তুমি কি শিকার?

নাকি প্রভু আমাদের, জলের আঁধার থেকে

প্রিয় সমাচার কিছ'র দিতে এসে

হঠাৎ প্রবলভাবে, ছিপ কেড়ে নেবে?

লেগে থেকে থেকে ব'ঝি

এখন প্রশ্ন মানে পলায়ন।

আরো চাই ক্লেশ-স্বীকারের স্বাধীনতা, আরো কিছ'র ভাষা—
হুইল বা হাত থেকে

রোখ' চ'লে এসেছে উপরে,

এখন রয়েছি আমি, দাঁতে দাঁত, সূতো কার্মড়িয়ে—

ওপারে কে জেগে ওঠো?—মাছ ব'ঝি! তুমি কি শিকার?

স্বীকারোক্তি

কঠিন বিষয় আমি কখনো মানিনি।

এই অপরাধ হোক জ্যেৎস্নার ভেতরে জানাজানি।

যদি ক্ষমা করো, ভালো; যদি ভৎসনা করো, তাও ভালো;

এই সরলতা হোক জ্যেৎস্নার ভেতরে জানাজানি॥

বাজি

হেরে যেতে না পারো, দাঁড়াও।

একদিন সমস্ত কিছুর জন্যে প্রাণ দিতে হবে মনে হয়।

আপাতত এসেছে কিরাত, তাকে যুদ্ধের ছলে তুমি আবাহন করো

তোমার আমার জন্য নয় এই বরাহ, তবুও

বাজি ধরো তাকে॥

সন্ধ্যাগত

এলো দিন।

দিন এসে গেছে।

যে নিয়েছে বাঁশ, সে বাজাক—

যে শূধু দাঁড়িয়ে থাকতে উঠানে এসেছে,

সে এসে দাঁড়াক, বলি,

‘তুমি এসে গেছো!’

এলো দিন। আসেনি কি

সমস্ত মানুষ যথাযথ?

এসো হে—বিবাহ করি, প্রেম করি, ঘৃণা করি, বাঁচি,

কাঠের গহনা নয় হাত-পা-হৃদয়। তবে

চলনে বলনে কেন অবসাদ—

রাশ কেন ভারি?

এ খেলা সহজ নয়

এ খেলা সহজ নয়, জলের ওপরে এক বিমদ্র কলস ভেসে যায়,
এখন কোথায় তবে কতোটুকু ধরে রাখা যায়, কেন যাবে?
জলে দৌড়ে যায় জল, বিমদ্র কলসে আর কিছুই ওঠে না।

যদি শক্ত কিছু হতো, ঠেকে যেতো হাতে বা ভেতরে,
ইঁট বা কাঠের তৈরী, হাতের দাঁতের কোঁটো পাথরে বাঁধানো,
অথবা এমন কিছু, গিঁঠ দিলে রুমালে আঙুল থেকে যায়।

এ খেলা সহজ নয়, জলে দাঁড় ফেলে জল, জলের আড়ালে
শুধু আমাদের দেহ কিছুটা সাঁতার কাটে, বাকিটা পারে না—
যদি ভরে নিতে চাই, জলের ভেতরে এক উন্মাদ কলস ভেঙে যায়॥

আছে, টান দাও

আছে একটা, স্পষ্ট বোঝা যায়, টান দাও।

এখন উপড় করো, এখন উপড় ক'রে সব মেলে ধরো,

বেলা যায়—

সমুদ্রমাছের মতো ঝলকে ঝলকে শূধু শাদা বা রূপালি

আছে, স্পষ্ট বোঝা যায়, বড়ো ভুলভাবে আছে, কিছু বা একেলা,

—টান দাও।

যদি বাইরে যেতে হয়, তাও ভালো, ভেতরে থেকে না,

যদি ভেতরেই হয়, বাইরে থেকে না, ঘরে যাও,

যদি ঘরে ও বাইরে হয়, একই সঙ্গে সমস্ত নাচাও,

ঝলকে ঝলকে তোলো লোনামাছ, শাদা ও রূপালি একাকার।

এখন তো টান দেয়া সোজা, দাও টান—

ভেতর উপড় করো, ওষ্ঠ বড়ো বেদনায় নীল, কথা দাও॥

আবহমান

কেউ থেমে থাকে না কিছতে।

বৃষ্টি শেষ হ'য়ে গেলে, ল্যান্সডাউন রোডের নদী
পার হ'য়ে যাবো।

দু'আনার বেলফুল শাদা রুদ্রাক্ষের মতো
বাঁ-হাতে জড়িয়ে

যাবো কি বেড়াতে ?

ওদিকে তখনই

গুড়ো-কাঠে বউ-বাজারের গলি অনন্ত হলদে,
খোঁড়া-ভিখারির পাশে টাই-পরা যুবক চলেছে,
এসেছে বনগাঁ থেকে কবিসম্মেলনপ্রিয়
তিনটি তরুণী,

এক লরী কবি নিয়ে

তারা সকালের দিকে দেশে চ'লে যাবে।

কোনো কিছ ঠেকে না কিছতে।

ভালোবাসা ল্যাসোর মতন ঘিরেছিলো,
আজ তাকে দিয়েছি জড়িয়ে-

এখন মর্ন্তি শূধ অ্যারিনার ওপারে, আকাশে,
যে কোনো যুগল যায়, তাকে বলি—

ছুয়ে দাও তারা,

শূধ উঠে যাও ব্রীজে,

একবারও থম্কে থেকো না.....

ডাঙা মিশে গেছে জলে, জলে নোকো,

নোকোয় বাসর,

কেউ থেমে থাকে না কখনো ॥

মর্ন্তির অভাব

এখন সহজে কোনো মর্ন্তি নেই।

আচ্ছন্ন মাছির দল গান গায় এখানে ওখানে।

মানুষ কি কাজ করে প্রথামতো? দরের বাগানে
ফুল ফোটে, ঝরে যায়, কার্তিকের হিম জমে ঘাসে;

চকিতে ট্রেনের শব্দ স'রে যায় ব্রীজের ওপরে।

কারা তবে খেলা করে? অবসন্ন স্মৃতি কি নিয়তি?

লাল ঘর্দি ছিঁড়ে যায় দম-দেয়া হাওয়ার শাসনে?

এখন সহজে কোনো মর্ন্তি নেই—

“কবিতা লিখতে পারো?”—বান্ধবী প্রশ্ন করে

ঘুম থেকে উঠে ॥

বুঝে দেখতে দাও

শুধু আমায় বুঝে দেখতে দাও

এই খেলার মধ্যদিকে কারা এমন জড়িয়ে পড়ে আছে।

উঠে দাঁড়াক—ওরা হয়তো স্বতঃস্ফূর্ত মানুষ, ওদের হাতেও
বাঁশি আছে। তবে কেন এভাবে একরাশ

ডালপালার মতো এমন পড়ে আছে বানানো জুগলে?

বুঝে দেখতে দাও, এখন প্রতিটি স্বর আলাদা আলাদা
কানের কাছে কেন মন্ত্রে ছড়িয়ে যায়। আমি আমার দলে
থাকবো, কিন্তু যারা কাছে এসেও দূরে থাকছে, তাদের

চিনে রাখতে দাও। যদি সবাই নারী হ'তো, আলিঙ্গনের কিছু পরেই
ঘৃণা ভালোবাসার স্পর্শ চিনে নিতাম। নারী, পুরুষ, মানুষজন, আকাশ,

উঠে দাঁড়াও—আমি এখন দেখে রাখতে চাই॥

